



# mjesečni Bilten

omladinska mreža bosne i hercegovine

Avgust  
Kolovoz

2017.

219

## Dragi prijatelji/ce,

Predstavljamo vam avgustovsko izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **181** organizacija i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

[www.omladina-bih.net](http://www.omladina-bih.net)



### SADRŽAJ

Aktivnosti u avgustu 2017.....	2
Planovi za septembar 2017. ....	5
Aktivnosti članova mreže.....	6
Saopštenja/informacije/donatori/pozivi.....	18

Uživajte u čitanju!

# AKTIVNOSTI ORC/HCA U AVGUSTU 2017.



### Učešće članova ALF BiH mreže na seminarima 3.S. za interkulturalnu građansku edukaciju



Tokom avgusta su, u okviru projekta "3S za interkulturalnu građansku edukaciju, održana dva seminara: Tangier, Maroko (2. – 8. avgust), i Mazara del Vallo, Italija (17. – 23. avgust). Na ovim seminarima učestvovali su i predstavnici ALF Mreže BiH.

#### Tangier, Maroko

Anna Lindh mrežu BiH na seminaru u Maroku predstavljali su: Ivan Sajević (Udruga mladih Enter Vitez) i Darel Kapetanović (LDA Mostar). Među 12 polaznika seminara, uz predstavnike ALF-a BiH, bili su u sudionici iz Velike Britanije, Slovenije, Turske, Maroka i Italije. Seminar Interkulturalnog građanskog obrazovanja u Maroku se bavio kulturnim različitostima.



Kroz radionice, tematska predavanja, ali i kroz vanjske aktivnosti, te posjete određenim kulturnim događajima, na najbolji mogući način se upoznavala različitost kultura, navika i običaja. Posebno je zanimljiva bila posjeta marokanskoj obitelji Idrissi, koja je bila jedan od najbitnijih dijelova seminara. To je pravi način kako upoznati ljude u nekoj državi i njihovu kulturu.

Razgovaralo se i o potencijalnoj budućoj suradnji, a razmatrana je mogućnost organiziranja ljetnog kampa na kojemu bi se okupljali mladi iz spomenutih zemalja te prezentirali svoje vještine, ali i kulturu zemalja iz kojih dolaze.

### **Mazara del Vallo, Sicilija, Italija**

Turska organizacija, System and Generation Association, u saradnji sa ALF fondacijom održala je seminar pod nazivom „Interkulturalna integracija za interkulturalnu građansku edukaciju“ u Mazari del Vallo (Italija).

Cilj seminara bio je promocija interkulturalnog dijaloga i podrška Euromediteranske saradnje. Projekat je okupio organizacije iz Turske, Bosne i Hercegovine, Slovenije i Velike Britanije, koji su u periodu od 17. do 23. Avgusta imali priliku da razgovaraju na gore pomenute teme i da upoznaju imigrante koji su smješteni u azilu Mazare del Vallo.



Tokom 6 dana radionica učesnici su imali priliku da obrađuju teme poput „Interkulturalnosti i multikulturalnosti“, „Diskriminacije i predrasuda“, te da se kroz „role play“ aktivnosti upoznaju sa različitim kulturama koje donose Euromediteranske članice ALF fondacije. Predstavnici Bosne i Hercegovine bili su Miralem Tursinović i Slobodan Blagovčanin (ORC Tuzla) i Emil Balavac (OKPIS Jablanica).

Treći seminar u okviru ovoga projekta održaće se u prvoj polovini mjeseca septembra i održaće se u Turskom gradu Bursa.

## **Radionica za mlade aktiviste u BiH**

U Banja Luci je 9. i 10. avgusta održana „Radionica za mlade aktiviste u BiH o agendama Mladi, mir i sigurnost i Žene, mir i sigurnost“, u organizaciji OSCE misije u Bosni i Hercegovini. Radionici je prisustvovalo 15 mladih osoba iz čitave godine, a član ORC Tuzla – Slobodan Blagovčanin je imao prezentaciju na temu Rezolucije 2250 Savjeta bezbjednosti Ujedinjenih nacija.



## „Crew from the hood“



Projekat „**Ekipa iz komšiluka – poruka iz provincije**“ se realizuje u Srbiji, Bosni i Hercegovini i Crnoj Gori, u partnerstvu organizacija: FORCA Požega (Srbija), Omladinski Resursni centar Tuzla (BiH) i Fenomeni (Kolašin). Tokom ove godine projektne aktivnosti su se realizovale u sljedećim opštinama i gradovima: Požega, Prijepolje, Užice, Priboj, Kolašin, Mojkovac, Bjelo Polje, Berane, Brčko Distrikt BiH, Bijeljina, Zvornik, Živinice i Tuzla.

Tokom avgusta, u sklopu ovog projekta, realizovane su grafitti radionice kao i iscrtavanje grafita u našem gradu. Projekat je podržan od strane BAC i ECF. Narednog

mjeseca slijedi okupljanje partnera u Tuzli te snimanje video priloga o završenim aktivnostima.

## Omladinska grupa ORC Tuzla

### Akcija čišćenja putokaza u Tuzli

Koalicija za borbu protiv mržnje iz Tuzle, koju sačinjavaju nevladine organizacije iz našeg grada, a koja je oformljena pod pokroviteljstvom OSCE misije u Bosni i Hercegovini, odradila je akciju čišćenja ćirilčnih natpisa na putokazima u tuzlanskom prigradskom naselju Šićki Brod.

Ovom akcijom mladi ljudi su na simboličan način željeli pokazati da u Tuzli nema mjesta mržnji, vandalizmu i drugim negativnim društvenim pojavama.



Tuzla je oduvijek bila grad ljubavi, tolerancije, međusobnog postovanja. Akcija je izazvala odobrenje slučajnih prolaznika i pokazala pozitivnu reakciju društva na ovakve akcije koje imaju za cilj promociju pozitivnih društvenih vrijednosti i borbu protiv mržnje. Samu akciju su odradili Amila Selimbasić, Adi Selman, Nedim Musić, i Adnan Čirak, članovi Omladinskog resurnog centra Tuzla zajedno sa Dragicom Karadžin iz misije OSCE-a.

## REDOVNE AKTIVNOSTI ORC I HCA TUZLA

Tokom avgusta radili smo na održavanju i razvoju komunikacija i koordinacije unutar Omladinske mreže Bosne i Hercegovine ([www.omladina-bih.net](http://www.omladina-bih.net)). U okviru toga smo svakodnevno na mejling listu mreže ([posta@omladina-bih.net](mailto:posta@omladina-bih.net)), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte za ovu godinu.

## PLANOVI HCA/ORC-A ZA SEPTEMBAR 2017.

- Sprovođenje redovnih aktivnosti kroz Omladinsku mrežu Bosne i Hercegovine;
- Aktivno učešće u međunarodnoj ALF mreži, održavanje i logistička podrška ALF Mreži Bosne i Hercegovine, priprema i slanje učesnika na #.S. seminar u Bursi, Turska;
- Nastavak rada na namicanju sredstava za 2017. godinu.
- Nakon odmora tokom ljeta u našoj organizaciji i Omladinskoj grupi od septembra krećemo sa implementacijom projekta podržanog od strane Američke ambasade pod nazivom „YOUth 4 better future“ (Mladi za bolju budućnost). U toku narednog mjeseca u planu nam je izrada videa koji će za cilj imati da ukaže na interkulturalnost mladih u našem gradu i Bosni i Hercegovini, kao i pripremne aktivnosti sa partnerima uključenim u projekat.
- U okviru završnih aktivnosti u projektu „Crew from the hood“, u Tuzli ćemo organizovati sastanak partnera.



# AKTIVNOSTI ČLANICA OMLADINSKE MREŽE BiH



**Institut za razvoj mladih KULT**

Ul. 4. viteške brigade 34-36 BA, 71210 Ilidža, Sarajevo

E-mail: [kult@mladi.org](mailto:kult@mladi.org)

Tel.: +387 33 778 778; Fax: +387 33 778 779

Web: [www.mladi.org](http://www.mladi.org)

## Institut za razvoj mladih KULT i u avgustu nastavio sa zagovaranjem izmjena Zakona o PDV-u

Nakon što je UO Uprave za indirektno oporezivanje BiH odbio inicijativu za izmjenu Zakona o PDV-u na način da bude uveden sistem plaćanja PDV-a po naplaćenom umjesto po izdatom računu koju je inicirao Institut, a državni poslanik Saša Magazinović prenio u poslaničke klupe, ponovo je upućen zahtjev za očitovanje o inicijativi kojom se traži pomjeranje datuma plaćanja PDV-a sa 10-tog na zadnji radni dan u mjesecu.



Institut za razvoj mladih KULT

MLADI.ORG

Poslovni Prostor BH

POSREDAVO

USAID

Izmjene su zahtjev privrednika koji smatraju da bi produženje roka značilo dobar gest i dobru odluku aktuelnih vlasti, ali i prvi korak ka uvođenju pravednijeg sistema naplate PDV-a od današnjeg koji praktično znači da privrednici beskatmatno kreditiraju državu, a u zamjenu za to dobijaju vrlo malo ili gotovo ništa.

„Iako je većina onih koji donose odluke svoj radni vijek provela na budžetu i ne razumije probleme i potrebe privrednika, ipak vjerujem da u strukturama vlasti ima onih koji shvataju da vlast postoji ne da bi oni koji u njoj učestvuju primali platu, nego da bi artikulirali potrebe onih koji su ih birali.“ – istakao je Magazinović.

Inicijativa za izmjene Zakona o PDV-u pokrenuta je početkom marta prošle godine, a podržalo je oko 30.000 privrednika okupljenih oko privrednih i obrtničkih komora, te udruženja koja u fokusu svog rada imaju pomoć privredi.

Prema trenutnim zakonskim propisima, poslodavci su dužni izmiriti porezne obaveze, iako nisu naplatili svoja potraživanja. To u konačnici čini brojne poslovne subjekte nelikvidnim, te često dovodi do prestanka poslovanja.

Zagovaranje izmjene Zakona o PDV-u provodi se u okviru inicijative "Poslovni prostor BH", koju vodi Institut za razvoj mladih KULT. Inicijativa je dio Projekta održivosti civilnog društva u Bosni i Hercegovini (CSSP), koji provode Centri civilnih inicijativa (CCI) i Centar za promociju civilnog društva (CPCD), a koji je podržan od Američke agencije za međunarodni razvoj (USAID).

## Počela UmiD Obuka za dvanaestu generaciju polaznika/ca, u septembru i obuka za odrasle

U augustu je počela je UMiD Obuka za dvanaestu generaciju polaznika/ca.

Obuku pohađa 33 mladih, a tokom radionica će raditi na razvoju leaderskih i komunikacijskih vještina, timskog rada kod grupe, ali i brojnih drugih vještina koje su im neophodne kako bi postali aktivni građani/građanke i pokretači promjena u svojim lokalnim sredinama.



Obuku organizuje Institut za razvoj mladih KULT u partnerstvu sa Udruženjem Nautilus i Programom za mlade SOS Dječijih sela YES Centar, a cilj ovog modula je upoznavanje polaznika sa obukom, međusobno upoznavanje, te razvoj mladih.

Obuka UMiD omogućava mladima da postanu aktivni/e lidere/ice u svojoj lokalnoj zajednici i pomognu u rješavanju problema mladih, upoznaju nove prijatelje, steknu nove vještine, druže se i usavrše sebe.

Polaznici/e će tokom obuke dobiti priliku da sa vršnjacima osmisle konkretnu akciju u cilju rješavanja postojećeg problema u lokalnoj

zajednici, čiju će realizaciju savjetodavno i finansijski podržati Program za mlade SOS Dječijih sela YES Centar.

Institut za razvoj mladih KULT u septembru će po prvi put organizovati i UMiD za odrasle.

Uči, misli i djeluj! za odrasle je obuka neformalnog obrazovanja namijenjena odraslima koji u formalnom obrazovanju direktno rade s djecom i mladima. Ovaj program obuke nastao je kao odgovor na potrebu za pružanjem podrške nastavnom osoblju srednjih škola u razvoju kompetencija potrebnih za uspješno planiranje i realizaciju procesa učenja i podučavanja zasnovanog na principima iskustvenog učenja, korištenje učinkovite i relevantne metode i strategije podučavanja i stvaranje sigurnog i stimulativnog okruženja u kojem će se učenici/e osjećati podržano i motivirano, a ujedno biti osposobljeni da uče cijeloga života.

Institut, sa svojim partnerima, organizira obuku u trajanju od 7 dana (56 sati). Obukom Institut želi podržati osobe koje rade s mladima i unaprijediti njihove vještine i znanja za razvoj omladinskog rada i mladih u BiH. Pored obuke, učesnici/e će imati i praktični rad u svojoj zajednici.

Program obuke namijenjen je prvenstveno profesorima i profesoricama srednjih škola, ali i upravi škola, stručnim saradnicima/ama te savjetnicima/ama u pedagoškim zavodima koji mogu podržati profesionalni razvoj nastavnog osoblja.

Na obuku se mogu prijaviti sve osobe nastanjene u Bosni i Hercegovini koje imaju završeno formalno obrazovanje za rad u školama i trenutno nisu u radnom odnosu.

Poziv će biti objavljen na web stranici Instituta [www.mladi.org](http://www.mladi.org)

## Devet godina rada SPAJALICE

Obrazovno-raznodni centar za mlade SPAJALICA proslavio je deveti rođendan.



SPAJALICA je zvanično otvorena 26. augusta 2008. godine i već devet godina jedini je centar za mlade na području općine Ilidža. SPAJALICA predstavlja mjesto susreta mladih ljudi željnih novih znanja, neformalnog obrazovanja i druženja.

I ove godine korisnici usluga centra mogu učestvovati u vannastavnim aktivnostima, pohađati kurseve stranih jezika, obuke, časove baleta, kreativne radionice.

Jedna od brojnih aktivnosti centra je i Škola prijateljstva koja kroz različite aktivnosti djeci pruža priliku da se druže sa svojim vršnjacima/kinjama, uče kroz igru, dobijaju odgovarajuću pomoć pri izradi domaćih zadataka, prepoznaju svoje potencijale, druže se i na taj način socijaliziraju.

Od prošle godine Centar je svoju ponudu obogatio i Brainobrain akademijom za djecu, jednim od vodećih svjetskih programa razvoja intelektualnih i životnih vještina kod djece uzrasta od 4 do 14 godina. Cilj programa je omogućiti djeci da nauče razvijati i koristiti svoje potencijale.

Usluge Centra svake godine koristi više od 2.000 djece i mladih, a tim Centra nastoji svake godine obogatiti ponudu za svoje korisnike/ce s ciljem poboljšanja životnih uvjeta mladih u Ilidži, a i šire.

Obrazovno-raznodni centar za mlade SPAJALICA i u narednom periodu bit će prostor za osnaživanje i dodatno obrazovanje mladih, a sve sadržaje će kreirati u skladu sa njihovim željama i potrebama.





**PRONI Centar za omladinski razvoj**  
**Ul. Mehmedagića 24, 76100 Brčko distrikt BiH**  
**Tel./Fax: +387 49 217 695**  
**E-mail: [pronibrcko@teol.net](mailto:pronibrcko@teol.net)**  
**[www.pronibrcko.ba](http://www.pronibrcko.ba)**

## Projekat razmjene mladih BiH - Švicarska

**PRONI Centar za omladinski razvoj** u saradnji sa **Pestalozzi Children's Foundation** okupio je mlade ljude koji su rođeni 2000. i 2001. godine na prvi Interkulturni Projekat Razmjene Mladih Bosna i Hercegovina – Švicarska koji se održao od 03.08.2017. do 17.08.2017.

Smještaj i treninzi za grupu od 40 mladih iz BiH su realizovani u Pestalozzi Dječijem Selu u mjestu Trogen (Švicarska). Više o Pestalozzi Dječijoj Fondaciji možete saznati [ovde](#).

Edukativni program za mlade sačinjavali su teme: Interkulturna komunikacija, Prava djece i Antidiskriminacija, a obuku vode stručnjaci iz Pestalozzi Fondacije.

Grupu mladih ljudi iz BiH je pratilo 6 iskusnih omladinskih radnika iz PRONI Centra za omladinski razvoj koji su cijelo vrijeme bili sa mladima u Švicarskoj.

Troškovi smještaja i hrane i dva fakultativna izleta u Švicarskoj su bili obezbijeđeni, a učesnici su snosili dio troškova prevoza od Brčkog do Trogena i nazad u iznosu od 100,00 BAM. Prevoz do Trogena i nazad bio je realizovan autobusom visokoturističke klase.

Također, sa učesnicima je bila i grupa mladih iz Srbije.

Nakon dvije sedmice, koliko traje razmjena, učesnici će biti u prilici da realizuju mini projekte mladih u Brčko distriktu BiH na teme koje su obrađivali u Švicarskoj.





## Omladinski klub "DIJAMANT"

Ul. Bučići 42, 70101 Jajce

Tel./fax: +387 30 279 444, 61 179 209, 63 366 811

E-mail: [m.sekib@bih.net.ba](mailto:m.sekib@bih.net.ba)

WEB: [www.oed-dijamant.net](http://www.oed-dijamant.net), [www.dijamantmoda.com](http://www.dijamantmoda.com)

## Mladi iz Jajca posjetili Tomislavgrad

Mladi iz organizacije Kluba mladih "Dijamant" iz Jajca i Ženskog odbojkaškog kluba "Jajce-Nansen", a u organizaciji Općine Tomislavgrad, Općine Jajce i Veleposlanstva Sjedinjenih Američkih Država u Sarajevu, posjetili su instituciju Općinu Tomislavgrad.

Luka Krstanović, predsjedavajući OV Tomislavgrad primio je goste u prostorijama općinskog Vijeća, te ih ovom prilikom upoznao o svim bitnim informacijama o Općini Tomislavgradu.

Posebno je naglašeno da Jajce i Tomislavgrad imaju jako dobru suradnju i potpisanu Povelju o bratimljenju gradova.

Također, mladi su s mladima Tomislavgrada zajednički učestvovali u interaktivnoj radionici u Centru za mlade, koju je vodila Tea Baković.

Nakon radionice za sve učesnike organiziran je ručak od strane predsjedavajućeg Luke Krstanovića.



Mladi su se družili, razmijenili su pozitivna iskustva, a kroz druženje rušili su predrasude. Tom prilikom ojačali su interakciju, te dogovarali zajedničke aktivnosti i realizaciju zajedničkih aktivnosti u narednom period, rekao je Šekib Makić, predsjednik Omladinskog kluba "Dijamant" za Jajce Online.

Jajčani zahvalni na gostoprimstvu.

*-Imali smo zaista ugodno gostovanje i prijatno druženje. Koristim ovu priliku da se iskreno zahvalim domaćinu na dobroj organizaciji i prijemu, rekao je Makić.*

*Aktivnosti je podržala Američka ambasada u BiH*

## Mlafi iz četiri općine učili o predrasudama, stereotipima, te ljepoti u različitosti

Mladi iz Jajca, Tomislavgrada, Šipova i Donjeg Vakufa na edukativno-interaktivnoj i kreativnoj radionici uz voditeljicu Neldijanu Rujanac, učili su jedni o drugima, jedni od drugih, ali i sami o sebi.

Mladi su imali priliku da razgovaraju o predrasudama, stereotipima i ljepotama u različitosti. Također, razgovarali su o konfliktu, stvaranju mržnje, radili na razvijanju timskog rada, formiranja tima za borbu rušenja predrasuda, ali su i definirali problem u svojoj zajednici, te osmislili aktivnosti koje će realizirati po povratku u svojim zajednicama.



Učesnici radionice vjeruju da su predrasude i stereotipi ogroman problem kod odrasle populacije, a posebno kod mladih, te postoji potreba za stalnom borbom. Mladi su pokazali zavidno interesiranje da uče i na taj način ruše predrasude, a susreti, razgovori, druženja i upoznavanja daju najbolje rezultate.

Važno je napomenuti da se u ovaj projekt osmislili mladi ljudi, a u skladu s njihovim potrebama i problemima. Na kraju radionice mladi su zajednički prošetali gradom i pritom se upoznali s prirodnim, historijskim i kulturnim znamenitostima kraljevskog grada Jajca.





## H.O. MUSLIMANSKO DOBROTVORNO DRUŠTVO – MERHAMET DOBOJ

Ul. Kralja Aleksandra 17, 74000 Dobož

Tel./fax: +387 53 226 886

E-mail: merhamet.doboj@cutuk.net

FB: [www.facebook.com/Merhamet-Doboj](http://www.facebook.com/Merhamet-Doboj)

Osim svakodnevnih aktivnosti, u avgustu je Merhamet Dobož radio i sljedeće:



**4. avgusta** održan je sastanak “Merhameta” Dobož sa nevladinom organizacijom “Emaus”. Na sastanku se razgovaralo o projektu kućne njege, u kojem će biti obuhvaćeni socijalno ugroženi članovi “ Merhameta” Dobož. Pripremana je baza podataka i evidentiranje porodica koje će doći u obzir za kućnu njegu .

**9. avgusta** aktivisti “Merhameta” prisustvovali su seminaru: “Osiguranje pristupa pravdi za svjedoke/ žrtve, kroz jačanje postojećih i uspostavljanje novih mreža podrške svjedocima u BiH”.

**14.avgusta** koalicija "Toleratno i pozitivno" iz Doboža je veoma interesatno obilježila "Međunarodni dan mladih", na kome su, osim članova koalicije , prisustvovali i predstavnici Osce-a, predstavnici opštine i mediji. Na sastanku se razvila sidkusija na temu: “Da li mladi treba da odlaze iz naše zemlje ili da se bore za bolje sutra i ostanu u svojoj domovini”.



Aktivisti “Merhameta” prisustvovali su konferenciji republičkog udruženja porodica sa četvero i više djece pod nazivom “Budućnost”.



Tokom avgusta “Merhamet” je imao uplate “Kurbana”. Kada pristigne meso, podijeliće se socijalno ugroženim porodicama i narodnoj kuhinji.



## OMLADINSKA ORGANIZACIJA "SVITAC"

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: [svitac@gmail.net](mailto:svitac@gmail.net)

Web: [www.svitac.org](http://www.svitac.org)

FB: [www.facebook.com/omladinska.svitac](https://www.facebook.com/omladinska.svitac)

### Dnevne radionice



Omladinska organizacija Svitac je u avgustu nastavila sa svakodnevnom aktivnostima. Učesnici su podijeljeni u dvije grupe, uzrast 4-7 godina svakim danom od 11:00-13:00, a uzrast 8+ od 14:00-15:30 časova. Koordinatorica jutarnjih radionica je za avgust pripremila plan aktivnosti za neformalno učenje kroz igru, maštovitost i kreativnost. U toku mjeseca za uzrast 4-7 godina su se organizovale kreativne radionice, gdje su učesnici pravili papirne životinje i ukrase. Koordinatorica je pripremila učenje alfabeta i brojeva kroz igru. Na muzičkim radionicama učesnici su nastavili sa vježbanjem pjesmica, koje su izveli na "Ljetnim kampovima". Jedan

dan u sedmici je planiran za zajedničko gledanje crtanih filmova i takmičarske igre. Materijali koji su se koristili za realizaciju ovih radionica su ljepilo, karton, kolaž papir, blokovi za crtanje, voštane boje, flomasteri, drvene i vodene bojice. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, takođe da razviju motoriku i poštovanje prema drugom i usvoje lijepo ponašanje. U avgustu je do 20 učesnika pohađalo jutarnje dnevne radionice.

Poslepodnevna grupa (8+) je u avgustu radila na dekorativnim temama koje su bile prilagođene njihovom uzrastu. Ovaj mjesec su učesnici imali priliku učiti osnove španskog jezika uz pomoć međunarodne volonterke iz SAD-a Andree Diaz. Održane su radionice kreativnog izražavanja, engleskog, španskog i njemačkog jezika, gdje su učesnici vježbali nove riječi, komunikaciju, izgovor, te razne igre koje pospješuju učenje stranog jezika u grupi. Učesnici su imali mogućnost da se okušaju u društvenim i sportskim igrama i timskom radu, razvijajući osjećaj za poštovanje drugog, socijalizaciju i fer igru. Grupa je, pored gramatičkih zadataka, vježbala komunikaciju na engleskom jeziku. Srijeda je dan za ples, muziku i pjevanje. Svakog četvrtka starija grupa je podijeljena u dvije manje i učesnici imaju mogućnost da se okušaju u društvenim igrama i timskom radu, razvijajući osjećaj za poštovanje drugog, socijalizaciju i fer igru. Petkom su radionice njemačkog jezika kao i dan za pomaganje u izradi domaće zadaće.

Radionice se održavaju u Omladinskom centru Brčko distrikta. Koordinator radionica u avgustu je bila Milica Baćanov uz asistenciju lokalnih i Weltwaerts i EVS međunarodnih volontera Alexandera Likica iz Njemačke, Hüseyina Şeref Çalışa i Merve Güçlü iz Turske, Davida De Ruweea is SAD-a, te Bena Owensa iz Velike Britanije. Broj učesnika starije grupe je trenutno između 15 i 20 učesnika.

### „Pričajmo njemački“ – radionice komunikacije na njemačkom jeziku sa izvornim govornicima



Radionice njemačkog jezika se održavaju svakog četvrtka u prostorijama Omladinskog centra Brčko distrikt od 17:30-19:30 časova. Na početku radionica koordinator na njemačkom jeziku postavi par pitanja iz opšteg znanja, te na taj način uvede grupu u zadatke. Ovaj mjesec je grupa radila na komunikaciji i svakodnevnom temama (npr. zamisli da si na mjestu poznate osobe). Grupa je takođe radila vježbanje slušanja, te pisanje i čitanje. Radionice komunikacije na njemačkom jeziku su namijenjene za sve koji žele naučiti osnove gramatike, ali i usavršiti već postojeće znanje i steći nova iskustva i poznanstva. Koordinator projekta je međunarodni volonter iz Njemačke Alexander Likic.

## „I love English“ – radionice komunikacije na engleskom jeziku sa izvornim govornicima

Radionice engleskog jezika se održavaju svake srijede u prostorijama Omladinskog centra Brčko distrikt od 19:00-20:00 časova. Radionice komunikacije na engleskom jeziku su namijenjene svima koji žele naučiti osnove gramatike, upotrebu svakodневnih fraza i drugih elemenata, ali i usavršiti već postojeće znanje i steći nova iskustva i poznanstva. Ovaj mjesec je koordinator radionica više pažnje posvetio usmenoj komunikaciji, te je upoređivao američki i britanski engleski. Koordinator projekta je međunarodni volonter iz Velike Britanije Ben Owens.

## „Učimo Turski“ – radionice komunikacije na turskom jeziku sa izvornim govornicima

Radionice turskog jezika se održavaju utorkom u prostorijama Omladinskog centra Brčko distrikt od 18:00-19:00 časova. Radionice komunikacije na turskom jeziku su namijenjene za sve koji žele naučiti osnove gramatike, upotrebu svakodnevniх fraza i drugih elemenata, ali i usavršiti već postojeće znanje i steći nova iskustva i poznanstva. Učesnici su ovaj mjesec vježbali svakodnevne, jednostavne dijaloge. Koordinator projekta su međunarodni volonteri iz Turske Hüseyin Şeref Çalış i Merve Güçlü.

## „Freeletics“ – sportske radionice

Sportske radionice se održavaju utorkom i četvrtkom od 21:00-22:00 časova u prostorijama Omladinskog centra Brčko distrikt i namijenjene su mladim ljudima koji žele da poboljšaju motoriku, kondiciju i tjelesnu snagu, te da steknu nove vještine i poznanstva. Koordinator vježbi za kondiciju i motoriku je međunarodni volonter iz Njemačke Alexander Likic.

## Radionice gitare

Učesnici radionice gitare u avgustu su nastavili sa redovnim radom.

## Radionice sambe

Učesnici ove radionice uvijekbavali su novu kompoziciju „Wolf“. Kompozicija ima kompleksniju strukturu u odnosu na prijašnje kompozicije i time predstavlja novi izazov za učesnike.

## Ljetni kampovi 2017.

Omladinska organizacija Svitac je u avgustu organizovala „Ljetne kampove“ (kreativni, muzički i jezički kamp) za djecu i mlade sa područja Brčko distrikta. Sve aktivnosti su se održavale u Omladinskom centru Brčko distrikt od 10:00 do 12:00 časova. Kamp je trajao od 21. 08. do 25. 08. 2017 sa finalnom završnicom i eventom „Dječiji Dan“ 26. 08. 2017.

Program za Dječiji Dan je počeo u 12:00 časova, a pozvani su roditelji i prijatelji svih učesnika, kada se prezentovalo šta su naučili na muzičkom, kreativnom i jezičkom kampu i izložili mapu BiH kroz četiri godišnja doba.



Održan je kratki muzički program učesnika Omladinske organizacije Svitac, izložba crteža i radova, te razne takmičarske igre i Bingo (tombola). Učesnici su nakon Binga mogli da uz osvježenje, muziku i druženje uživaju u ljetnom danu.

## Muzički kamp



U sklopu muzičkog kampa učesnici su u toku 5 dana (21.08. - 25.08.), koristeći muzičke instrumente (samba udaraljke i boomwhackers-e), uvježbavali kompoziciju koju su prilikom otvaranja Dječijeg Dana 26. 08. izveli pred publikom. Na radionicama je učestvovalo 10 učesnika u dobi od 12 do 16 godina, a održavane su uz pomoć dva EVS međunarodna volontera (Ben Owens i Seref Calis) i dva lokalna volontera (Predrag Jovanović i Adin Midžić). Osim uvježbavanja ove kompozicije, radionice su se sastojale od pažljivo odabranih ritmičkih, metričkih i dinamičkih igara. Koordinator

muzičkog kampa je bio Sanjin Vošanović. Sve aktivnosti muzičkog kampa održavane su u Omladinskom centru Brčko distrikta od 10:00 do 12 :00 časova.

## Kreativni kamp

Tema na kreativnom kampu je bila „Bosna i Hercegovina kroz 4 godišnja doba“. Učesnici su prvenstveno imali priliku da kroz druženje i igru nauče više o geografiji, BiH, kulturi, znamenitostima, biljnom i životnjskom svijetu jedinstvenim za svaku od regija. Takođe je urađena mapa BiH zajedno sa učesnicima, koja predstavlja 4 regije kroz 4 godišnja doba (Posavina, Hercegovina, Krajina i centralna Bosna). Materijali koji su se koristili su: kamenje, vodene boje, masne boje, karton, plastične vreće, bambusovi štapovi, makaze, ljepilo, olovke, papiri, glina i plastelin, boje u spreju i razne druge vrste ukrasnih papira, hamer papira i dekoracija. Uzrast učesnika je bio 7+. Koordinator kreativnog kampa je bila Edina Vošanović, a asistenti lokalni volonteri Maja Tomić, Aida Zahirović, Ismar Mustafić, Edna Mulić, Šejla Huskanović, Azra Drapić. Sve aktivnosti kreativnog kampa održavane su u Omladinskom centru Brčko distrikt od 21.08.-25.08. od 10:00 do 12 :00 časova.



## Jezički kamp



Učesnici jezičkog kampa su ove godine imali priliku da prisustvuju radionicama engleskog, turskog i njemačkog jezika sa izvornim govornicima. Na radionicama jezičkog kampa su učestvovala djeca i tinejdžeri od 8-15 godina i grupa djece od 4-7 godina. Tokom radionica jezičkog kampa, djeca su naučila osnove njemačkog i turskog, te usavršila vokabular iz engleskog jezika na teme: hrana, odijevni predmeti, razne igre i ukrštenice. Također su vježbali komunikaciju na engleskom, turskom i njemačkom jeziku sa izvornim govornicima. Grupa

uzrasta 4-7 godina je učila boje, brojeve i dane u sedmici na kreativnim radnim listovima. Radionice su održavane uz pomoć EVS međunarodnih volontera i tri lokalna volontera. Koordinator jezičkog kampa je bila Milica Baćanov, a asistenti EVS međunarodni volonteri (Ben Ownes za dva dana radionica engleskog jezika, Merve Guclu i Alexander Likić) i lokalni volonteri (Kristina Varcaković, Matea Brkić, Nadja Selimi i Ines Močević). Radionice jezičkog kampa održavane su u Omladinskom centru Brčko Distrikt, od 21.08. - 25.08. od 10:00 – 12:00 časova.

## FutureShorts – večer kratkog filma

U petak 25. 08. u 20:00 časova u Omladinskom centru u Brčkom je održan četrnaesti FutureShorts film festival. Filmsko večer je omogućila Omladinska organizacija Svitac, uz podršku Firefly International-a. Projekcija filmova u Brčkom dio je globalnog FutureShorts film festivala. Program ovogodišnje ljetne sezone prikazan je u 100 gradova i 40 zemalja širom svijeta. U program je uvršteno šest kratkometražnih filmova iz Kolumbije, Finske/Norveške, Hrvatske, Velike Britanije, Škotske, kao i dva muzička videa. Pobjednik ljetne sezone FutureShorts-a u Brčkom je kolumbijski film „Madre“ (režija: Simon Mesa Soto). Nakon projekcije filmova, međunarodni volonteri Omladinske organizacije Svitac iz Njemačke, Turske i Velike Britanije predstavili su hranu tipičnu za zemlje iz kojih dolaze, te na taj način pružili priliku gostima da se međusobno bolje upoznaju.



Za septembar se planira nastavak svih redovnih radionica Omladinske organizacije Svitac.



## Udruženje za društvena istraživanja i komunikacije - UDIK

Ul. Grbavička 51, 71000 Sarajevo

Tel./fax: +387 33 978 600; +387 33 978 605

E-mail: [official.udik@outlook.com](mailto:official.udik@outlook.com); [official.udik.brcko@outlook.com](mailto:official.udik.brcko@outlook.com)

Web: [www.udik.org](http://www.udik.org); [www.udik-brcko.org](http://www.udik-brcko.org)

### UDIK: Od Jugoslavije do Dejtona – spomenici i kultura sjećanja

Udruženje za društvena istraživanja i komunikacije (UDIK) realizuje projekat čiji je cilj doprinijeti izgradnji kulture sjećanja stanovništva u BiH na ratna dešavanja devedesetih i prevenciji neplanske i masovne izgradnje spomenika, kroz edukaciju o spomenicima žrtvama rata koji su nastali u tom vremenskom periodu i nakon njega. Stručnjaci koji su angažovani na projektu radili su na pripremi odgovarajućeg priručnika koji obuhvata oblasti iz istorije, tranzicione pravde i spomeničke kulture, a koji je korišten tokom radionica sa predavačima historije/istorije/povijesti. Cilj radionica jeste proći seriju od četiri predavanja i obučiti predavače da znanje stečeno na radionicama primjene u radu sa svojim učenicima.

U periodu od 26-27.8. u Mostaru je održana treća radionica na kojoj su predavanja održali Amra Čusto, Zavod za zaštitu kulturno – historijskog i prirodnog naslijeđa Kantona Sarajevo i Edvin Kanka Ćudić, Udruženje za društvena istraživanja i komunikacije. Na ranijim radionicama u Banjoj Luci i Brčkom predavači su bili Edin Radušić, Filozofski fakultet Univerziteta u Sarajevu i Nerzuk Ćurak, Fakultet političkih nauka Univerziteta u Sarajevu.





# SAOPŠTENJA/INFORMACIJE/DONATORI/POZIVI

## Naredni rok za prijavu projekata u okviru Fonda omladinskog angažmana

Imaš ideju koju želiš realizovati u svojoj lokalnoj zajednici i za to ti je potreban novac i mentorska podrška?

Želiš doprinijeti popularizaciji i razvoju omladinskog angažmana i aktivizma mladih u BiH kroz inovativan i kreativan pristup?

### APLICIRAJ NA FOND OMLADINSKOG ANGAŽMANA!

Fond omladinskog angažmana nudi priliku tebi ali i svim mladima iz Bosne i Hercegovine, posebno onima bez iskustva u omladinskom angažmanu, da se prijave za **finansijsku i mentorsku podršku** kako bi organizovali aktivnosti u svojim lokalnim zajednicama.

Za finansijska sredstva u iznosu **do 4000 KM** mogu se prijaviti omladinske ili nevladine organizacije, neformalne omladinske grupe i pojedinci. Ideje i aktivnosti s kojima se prijavljuju trebaju biti usmjerene **na mlade od 14 do 28 godina**, te doprinositi razvoju lokalne zajednice, škola ili mladih u toj zajednici.

Prijavu možeš poslati **do 30.9.** na email [angazman@shl.ba](mailto:angazman@shl.ba) u formi FOA prijavnog obrasca koji možeš pronaći na [ovom linku](#) (prijavni obrazac trebaš prvo snimiti na računar, pa onda početi sa popunjavanjem).

Ako imaš nedoumica o tome da li tvoj projekt ispunjava kriterije Fonda omladinskog angažmana – kontaktiraj nas.

Fondacija SHL je omogućila da svi zainteresirani mogu sudjelovati u **SKYPE konsultacijama** sa SHL-om, te se tako informišu i postave pitanja. Skype konsultacije se održavaju svakog utorka u periodu od 10:00 do 12:00 sati. Dovoljno je da dodaš Skype račun SHL.angazman i pripremiš pitanja.

Također, za sva tvoja pitanja na raspolaganju ti stoji i **12 SHL multiplikatora** iz svih krajeva BiH.

Više informacija: <http://shl.ba/index.php/lat/novosti/item/226-naredni-rok-za-prijavu-projekata-u-okviru-fonda-omladinskog-angazmana>

## Pomjeren rok prijava na EU prijedloge projekata!

Delegacija Evropske unije u Bosni i Hercegovini objavljuje poziv za podnošenje prijedloga projekata za aktivnosti vezane za “Instrument podrške civilnom društvu, program 2016/2017” finansiranih iz Programa predpristupne pomoći za 2016/2017 godinu.

Kompletna dokumentacija za prijavu projekata može se dobiti na sljedećoj adresi:

Delegacija Evropske unije za Bosnu i Hercegovinu,  
Sektor Finansijska, Sekcija Nabavki, Skenderija 3a, 71000 Sarajevo

ili na web stranicama:

<https://webgate.ec.europa.eu/europeaid/online-services/index.cfm?do=publi.welcome>

[http://europa.ba/?page\\_id=320](http://europa.ba/?page_id=320)

Novi rok prijave projekata je 2. novembar/studeni.

Informacija o pomjeranju roka:

<http://europa.ba/wp-content/uploads/2017/06/Corrigendum-No-11.pdf>

Odgovori na pitanja potencijalnih aplikantata:

<http://europa.ba/wp-content/uploads/2017/06/Clarification-No-1.pdf>

## Poziv za „Start your adventure in MCT“ projekat

Omladinski centar Trbovlje poziva zainteresovane da se prijave da budu novi EVS volonteri za projekat „Start your adventure in MCT“ koji će se održati u Sloveniji.

Cilj projekta je razviti snažnu volontersku kulturu u lokalnom okruženju koja će imati pozitivan uticaj na razvoj aktivnih pojedinaca, kao i razvoj međusobno povezane i solidarne zajednice. Ova dva aspekta dodatno će dovesti do smanjenja rizika od socijalne isključenosti, posebno dugoročno nezaposlenih mladih.

Svi volonteri će imati obezbijeđen smještaj. Jednom nedeljno svi volonteri će imati razne treninge i radionice. Traže se motivisane osobe starosti od 18 do 29 godina koje vole da rade sa mladima.

Za prijavu treba poslati CV sa motivacionim pismom. Zainteresovani će moći da rade u jednoj od sljedećih organizacija: Dnevnom centru, lokalnoj osnovnoj školi i lokalnom omladinskom pozorištu.

Više informacija nađite na: <http://mct.si/en/2139-2/>

Izvor: <http://mladiinfo.me/poziv-za-start-your-adventure-in-mct-projekat/>

## British Council: Besplatan kurs za nastavnike

**British Council raspisuje kurs za nastavnike: istraživanje profesionalnog razvoja.**

UČEŠĆEM U OVOM KURSU NAUČIT ĆETE KAKO DA:

upravljate svojim profesionalnim razvojem; razvijate reflektivne vještine; poboljšate svoju nastavu; uvežete se sa drugim nastavnicima i učite iz njihovih iskustava.

Kurs se bazira na dugogodišnjoj ekspertizi British Council-a u obukama i razvoju nastavnika širom svijeta. Razvijen u partnerstvu sa ustanovom za obrazovanje najvišeg svijetskog ranga: [UCL Institute of Education](http://www.ucl.ac.uk).

“Postanite bolji nastavnik: Istraživanje profesionalnog razvoja ” kurs je izuzetno fleksibilan i zahtjeva samo tri sata vašeg vremena sedmično, u periodu od šest sedmica, tako da možete vježbati u bilo koje vrijeme koje vama odgovara.

Ovo je također sjajan prvi kurs za nastavnike koji nisu učestvovali u MOOC prije ([saznajte šta je MOOC i kako funkcionira](#)).

Ukoliko želite unaprijediti svoje vještine predavanja, ovo je kurs za vas.

Izvor: [https://www.britishcouncil.ba/engleski/mooc/postanite-bolji-nastavnik?WT.mc\\_id=moocbecomingabetterteacher](https://www.britishcouncil.ba/engleski/mooc/postanite-bolji-nastavnik?WT.mc_id=moocbecomingabetterteacher)



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:

**Omladinski resursni centar  
Tuzla  
Hadži Bakirbega Tuzlića 1  
75000 Tuzla  
tel/fax: 035 258 077  
e-mail: [orcuzla@bih.net.ba](mailto:orcuzla@bih.net.ba)  
[hcatuzla@bih.net.ba](mailto:hcatuzla@bih.net.ba)**

Mjesečni bilten uređuje  
Omladinski resursni centar -  
ORC Tuzla

Prevod Biltena na engleski: **Stefan Cvijanović** – prof. engleskog jezika

WEB stranica Mreže:  
[www.omladina-bih.net](http://www.omladina-bih.net)

Mejling lista Mreže:  
[posta@omladina-bih.net](mailto:posta@omladina-bih.net)

Webmaster:  
[emir.delalic@gmail.com](mailto:emir.delalic@gmail.com)